

ingarhlutfall skv. 4. gr. vera 3% með einu barni, 7% með tveimur börnum og 9% með þremur börnum eða fleiri.

4. gr.

Reglugerð þessi, sem sett er samkvæmt heimild í A-lið 69. gr. og 119. gr. laga nr. 75/1981, um tekjuskatt og eignarskatt, með síðari breytingum, öðlast þegar gildi.

Fjármálaráðuneytinu, 29. desember 2000.

F. h. r.

Baldur Guðlaugsson.

Ólafur Páll Gunnarsson.

AUGLÝSING

um deiliskipulag og ógildingu deiliskipulags í Reykjavík.

Fossaleyfir/Víkurvegur, knattspyrnuhús.

Samkvæmt skipulags- og byggingarlögum nr. 73/1997, með síðari breytingum, samþykkti borgarráð Reykjavíkur, þann 31. október 2000, deiliskipulag fyrir svæði sem afmarkast af Víkurvegi í vestur, Fossaleyfi í suður, gamla Korpúlfsstaðaveginum í austur og útivistarsvæði til sérstakra nota í norður. Tillagan gerir ráð fyrir að byggt verði fjölnota íþróttahús ásamt bílageymslu og gert verði æfingarsvæði á reitnum.

Deiliskipulagið hefur hlotið þá meðferð sem skipulags- og byggingarlög mæla fyrir um. Deiliskipulagið öðlast þegar gildi.

Áland, umferðartakmarkanir, ógilding deiliskipulagsbreytingar.

Í samræmi við úrskurð úrskurðarnefndar skipulags- og byggingarmála, dags. 30. nóvember sl., um breytingu á deiliskipulagi í Fossvogi (vegna umferðartakmarkana um Áland), samþykkt í borgarstjórn Reykjavíkur, þann 17. febrúar 2000, tilkynnist að breytingin, sem öðlaðist gildi með birtingu auglýsingar þar um, þann 10. mars 2000, er úr gildi fallin.

Reykjavík, 21. desember 2000.

Þorvaldur S. Þorvaldsson skipulagsstjóri Reykjavíkur.

AUGLÝSING

um deiliskipulag í Reykjavík og Kópavogi.

Reykjanesbraut við Mjódd, deiliskipulag, umferðarskipulag.

Samkvæmt skipulags- og byggingarlögum nr. 73/1997, með síðari breytingum, samþykkti borgarráð Reykjavíkur þann 10. október og bæjarráð Kópavogs, þann 7. september 2000, deiliskipulag sem tekur til Reykjanesbrautar milli Höfðabakka (Stekkjabakka) og Breiðholtsbrautar auk gatnamóta Reykjanesbrautar, Breiðholtsbrautar og Nýbýlavegar annars vegar og gatnamóta Reykjanesbrautar, Höfðabakka og Smiðjuveggar hins vegar.

Ein athugasemd barst á kynningartíma tillögunnar. Tillagan var samþykkt óbreytt. Deiliskipulagið hefur hlotið þá meðferð sem skipulags- og byggingarlög mæla fyrir um. Deiliskipulagið öðlast þegar gildi.

Reykjavík, 28. desember 2000.

Þorvaldur S. Þorvaldsson
skipulagsstjóri Reykjavíkur.

Birgir Sigurðsson
skipulagsstjóri Kópavogsbæjar.

28. nóvember 2000

Nr. 955

GJALDSKRÁ

fyrir mengunar- og heilbrigðiseftirlit í Reykjavík.

1. gr.

Af starfsemi sem háð er starfsleyfi eða eftirliti heilbrigðisnefndar Reykjavíkur, samkvæmt lögum nr. 7/1998 um hollustuhætti og mengunarvarnir og reglugerðum settum með stöð í þeim, skal borgarstjórn Reykjavíkur innheimta gjöld samkvæmt gjaldskrá þessari.

2. gr.

Af eftirlitsskyldri starfsemi skal borgarstjórn innheimta gjald sem hér segir:

1. flokkur	kr. 12.250	6. flokkur	kr. 39.200
2. flokkur	kr. 14.700	7. flokkur	kr. 49.000
3. flokkur	kr. 22.050	8. flokkur	kr. 63.700
4. flokkur	kr. 24.500	9. Eftirfylgniferð	kr. 12.250
5. flokkur	kr. 29.400	10. Sýnataka	kr. 9.800

Tímagjald þjónustuverkefna kr. 4.900

Flokkun eftirlitsskyldrar starfsemi kemur fram á fylgiskjali I með gjaldskrá þessari.

Sé starfsemi rekin skemur en 6 mánuði á ári eða er að öðru leyti takmörkuð með svipuðum hætti er heilbrigðisnefnd heimilt að fella niður allt að helming gjaldsins.

Ef starfsemi hefur haft samning við faggilta skoðunarstofu síðastliðin þrjú ár, hefur haft vottað gæðakerfi síðastliðin þrjú ár eða hefur rekið innra eftirlit með starfsemi sinni síðastliðin þrjú ár, sem heilbrigðisnefnd telur ganga lengra en reglur kveða á um, er heilbrigðisnefnd heimilt að lækka gjöld samkvæmt þessari grein.

Ef einungis hluti margþætts eftirlits með starfsemi fer fram er heimilt að lækka eftirlitsgjald, sem því nemur.

3. gr.

Af eftirlitsskyldri starfsemi, sbr. 2. gr., skal borgarstjórn innheimta gjald fyrir gerð starfsleyfis eins og hér segir:

Starfsemi, þar sem krafist er auglýsingar starfsleyfis skv. 24. gr. reglugerðar nr.785/1999 um starfsleyfi fyrir atvinnurekstur, sem getur haft í för með sér mengun kr. 15.750.

Önnur starfsleyfi kr. 12.250.

Þó skal innheimta af starfsemi sem talin er upp í fylgiskjali II starfsleyfisgjald eins og hér segir:

I. flokkur	kr. 24. 500
II. flokkur	kr. 49.000
III. flokkur	kr. 98.000
IV. flokkur	kr. 147.000
V. flokkur	kr. 245.000